

CANDESARTAN SANDOZ TABLET

Candesartan cilexetil (8mg and 16mg)

APAKAH YANG ADA PADA RISALAH INI:

1. Apakah kegunaan Candesartan Sandoz
2. Bagaimana Candesartan Sandoz berfungsi
3. Sebelum mengambil Candesartan Sandoz
4. Cara menggunakan Candesartan Sandoz
5. Semasa menggunakan Candesartan Sandoz
6. Kesan-kesan sampingan
7. Cara penyimpanan dan pelupusan Candesartan Sandoz
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

APAKAH KEGUNAAN CANDESARTAN SANDOZ

Candesartan Sandoz ialah sejenis ubat yang digelar antagonis reseptor angiotensin II. Dengan menyekat kesan hormon angiotensin II, salur darah akan mengendur dan mengembang. Ini menurunkan tekanan darah dan memudahkan jantung mengepam darah ke semua bahagian badan.

BAGAIMANA CANDESARTAN SANDOZ BERRFUNGSI

Candesartan Sandoz digunakan untuk merawat tekanan darah tinggi (hipertensi) pada orang dewasa. Ubat ini juga dimakan untuk merawat masalah jantung yang disebut kegagalan jantung pada orang dewasa, iaitu jantung tidak mengepam darah ke seluruh tubuh dengan sebaik yang sepatutnya.

SEBELUM MENGAMBIL CANDESARTAN SANDOZ

Jangan makan Candesartan Sandoz jika anda hamil, anda rasa anda mungkin hamil atau anda bercadang hendak menjadi hamil. Anda mesti beritahu doctor jika anda rasa anda hamil atau jika anda rasa anda mungkin akan menjadi hamil. Candesartan Sandoz boleh menyebabkan mudarat yang serius malah maut terhadap bayi dalam kandungan jika digunakan semasa hamil.

- Bila tidak boleh mengambil

- Jika anda sedang menyusukan anak dengan susu badan
- Jika anda alah terhadap mana-mana ramuan Candesartan Sandoz.

- Penting: Anda tidak boleh memakan Candesartan Sandoz jika anda pernah menghadapi masalah kerana memakan ubat yang mengandungi candesartan cilexetil.

Berhati-hati semasa menggunakan Candesartan Sandoz.

- Sebelum mula mengambil

Bincanglah dengan doktor atau ahli farmasi anda:

- Jika anda menghidap penyakit jantung, hati atau ginjal (buah pinggang).
- Jika anda tidak dapat menahan laktosa.
- Jika anda muntah-muntah atau cirit-birit.

- Jika mengambil ubat-ubat lain

Maklumkan doktor atau ahli farmasi jika anda sedang memakan atau baru-baru ini ada memakan ubat lain, termasuklah ubat yang diperolehi tanpa dipreskripsi.

- Jika anda menggunakan ubat lain untuk menurunkan tekanan darah, khususnya bahan diuretik (penyurut cecair).
- Jika anda menggunakan ubat lain, termasuklah yang anda beli tanpa preskripsi.
- Jika anda sedang memakan litium.
- Jika anda sedang memakan ubat antiradang bukan steroid (NSAID).
- Jika anda sedang memakan bahan diuretik pengekal kalium, makanan penambah kalium atau pengganti garam.

Penggunaan oleh kanak-kanak

Keselamatan dan keberkesanan Candesartan Sandoz belum ditubuhkan pada kanak-kanak dan remaja (bawah 18 tahun).

CARA MENGGUNAKAN CANDESARTAN SANDOZ

- Berapa banyak harus digunakan

Untuk merawat tekanan darah tinggi

Dos yang lazimnya diberikan bagi orang dewasa ialah satu tablet 8mg sehari. Doktor mungkin akan meninggikan dos kepada satu tablet 16mg sekali sehari. Sebaik-baiknya, makanlah tablet ini pada masa yang sama setiap hari, contohnya pada waktu pagi. Jika anda mengalami masalah ginjal yang teruk atau masalah hati yang teruk, doktor mungkin akan menetapkan dos yang lebih rendah.

Untuk merawat kegagalan jantung

Dos permulaan yang lazimnya diberikan ialah satu tablet 4mg yang dimakan setiap

hari. Dos ini digandakan sekurang-kurangnya setiap dua minggu kepada dos sasaran 32mg atau dos tertinggi yang dapat ditahan.

- Bila perlu digunakan

Candesartan Sandoz boleh diambil dengan makanan atau tanpa makanan. Ambil ubat ini betul-betul seperti yang diarahkan oleh doktor anda. Dapatkan kepastian daripada doktor anda jika anda tidak pasti.

- Berapa lama perlu digunakan

Makanlah Candesartan Sandoz seperti yang diarahkan oleh pengamal perubatan yang menjaga anda. Jangan berhenti memakannya tanpa berbincang dengan pengamal perubatan anda dahulu.

- Jika terlupa menggunakan

Jika anda terlupa memakan satu dos, makan sahaja dos yang seterusnya seperti biasa. Jangan makan tablet tambahan untuk menggantikan dos yang tertinggal itu.

- Jika mengambil berlebihan (terlebih dos)

Jika anda memakan lebih daripada bilangan tablet yang diarahkan (terlebih dos), hubungilah doktor atau ahli farmasi dengan segera.

SEMASA MENGGUNAKAN CANDESARTAN SANDOZ

- Perkara yang perlu dilakukan

Anda mesti terus memakan Candesartan Sandoz setiap hari mengikut arahan doktor. Arahan pada label boleh mengingatkan anda tentang apa yang dipesan oleh doktor. Cubalah makan tablet ini pada masa yang sama setiap hari. Tidak penting sama ada Candesartan Sandoz ditelan sebelum ataupun selepas makan. Candesartan Sandoz biasanya tidak disyorkan untuk kanak-kanak. Jika anda merasakan bahawa kesan Candesartan Sandoz terlalu kuat ataupun terlalu lemah, beritahulah doktor atau ahli farmasi.

- Perkara yang tidak boleh dilakukan

Jangan berhenti memakannya tanpa berbincang dengan pengamal perubatan anda dahulu. Jika anda terlupa memakan satu dos, makan sahaja dos yang seterusnya seperti biasa. Jangan makan tablet tambahan untuk menggantikan dos yang tertinggal itu.

- Perkara yang perlu diberi perhatian

Kehamilan

Anda tidak boleh memakan Candesartan Sandoz jika anda hamil, anda rasa anda mungkin hamil atau anda bercadang hendak menjadi hamil. Anda mesti beritahu doktor jika anda rasa anda hamil

CANDESARTAN SANDOZ TABLET

Candesartan cilexetil (8mg and 16mg)

atau jika anda rasa anda mungkin akan menjadi hamil. Doktor akan menyuruh anda berhenti memakan Candesartan Sandoz sebelum anda menjadi hamil atau sebaik sahaja anda tahu anda hamil dan mungkin akan menyarankan anda memakan ubat selain Candesartan. Candesartan Sandoz boleh menyebabkan mudarat yang serius malah maut terhadap bayi dalam kandungan jika digunakan semasa hamil.

Menyusukan anak dengan susu badan

Beritahu doktor jika anda sedang menyusukan anak dengan susu badan atau bercadang untuk menyusukan anak dengan susu badan. Candesartan Sandoz tidak boleh digunakan oleh ibu yang sedang menyusukan anak dengan susu badan.

Anestesia dan pembedahan

Jika anda akan menjalani pembedahan, beritahu doktor atau doktor gigi yang merawat anda itu bahawa anda sedang memakan Candesartan Sandoz. Apabila digabungkan dengan sesetengah jenis bahan anestetik, Candesartan Sandoz boleh menurunkan tekanan darah.

Memandu dan mengendalikan jentera

Rawatan tekanan darah tinggi atau kegagalan jantung boleh menyebabkan sesetengah pesakit berasa pening atau tidak bermaya. Pastikan anda tidak terjejas begini sebelum anda memandu atau mengendalikan jentera.

KESAN-KESAN SAMPINGAN

Sama seperti semua ubat lain, sesetengah pengguna Candesartan Sandoz mungkin mengalami kesan yang tidak diinginkan, yang biasanya ringan dan akan hilang tidak lama kemudian. Jika anda mengalami mana-mana kesan ini ataupun simptom lain yang luar biasa atau yang tidak dijangka, bincanglah dengan doktor atau ahli farmasi.

Kesan sampingan yang lazim berlaku (1% pesakit atau lebih tetapi kurang daripada 10%)

- Pening (terutamanya ada pesakit yang menghidap kegagalan jantung).
- Kemerostan fungsi ginjal (terutamanya pesakit yang menghidap penyakit ginjal atau kegagalan jantung) yang dapat

dikesan dengan ujian darah.

Kesan sampingan yang sangat jarang berlaku (kurang daripada 0.01% pesakit)

- Bengkak pada muka, bibir, lidah dan/atau tekak, ruam, gegata, gatal-gatal, jaundis (kulit dan/atau mata menjadi kuning). Jika anda mengalami bengkak-bengkak pada muka, bibir, lidah dan/atau tekak, atau jika anda mengalami jaundis, hubungilah doktor dengan segera.
- Sakit belakang.
- Batuk-batuk
- Perubahan pada fungsi hati, termasuklah radang hati.

Perubahan mungkin berlaku pada sel darah merah atau putih, ataupun pada bahagian-bahagian darah yang lain. Doktor mungkin akan mengambil sampel darah dari semasa ke semasa untuk menentukan sama ada Candesartan Sandoz ada kesan terhadap darah. Kadangkala, perubahan ini mungkin dinampakkan sebagai rasa letih atau sakit tekak.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my (Consumers → Reporting Side Effects to Medicines (ConSERF) or Vaccines (AEFI)).

CARA PENYIMPANAN DAN PELUPUSAN CANDESARTAN SANDOZ

- Penyimpanan
- Jangan makan tablet ini selepas tarikh luputnya yang tertera pada papan lepuhnya dan pada kotaknya.
- Simpan ubat ini di tempat yang selamat, jauh daripada capaian kanak-kanak.
- Simpan ubat ini pada suhu yang kurang daripada 30°C.

- Pelupusan

Ubat-ubatan tidak boleh dilupuskan melalui air sisa atau bahan buangan isi rumah. Tanya ahli farmasi anda bagaimana untuk melupuskan ubat-ubatan yang tidak lagi diperlukan. Langkah-langkah ini akan membantu untuk melindungi alam sekitar.

MAKLUMAT LANJUT

- Rupa dan warna Candesartan Sandoz Tablet

Candesartan Sandoz disediakan dengan tiga kekuatan, iaitu yang mengandungi

8mg and 16mg candesartan cilexetil.

- Tablet 8mg berwarna merah jambu, berbentuk bulat dwikonveks dan ditandai 8 pada sebelah permukaan.
- Tablet 16mg berwarna merah jambu, berbentuk bulat dwikonveks dan ditandai 16 pada sebelah permukaan.

Bahan-bahan kandungan

- Bahan aktif

Bahannya yang aktif ialah candesartan cilexetil.

- Bahan-bahan tidak aktif

Candesartan Sandoz 8mg, 16mg

Bahan-bahan lain dalam tablet ialah *lactose monohydrate, maize starch, povidone K-30, carrageenan, croscarmellose sodium, magnesium stearate, red iron oxide (E172), titanium dioxide (E171)*.

- Nombor MAL

Candesartan Sandoz 8mg Tablet – MAL18066045AZ
Candesartan Sandoz 16mg Tablet – MAL18066041AZ

PENGILANG DAN PEMEGANG PENDAFTARAN PRODUK

Pengilang

Sandoz Grup Saglik Urunleri Ilaclari Sanayi Ve Ticaret A.S.
Organize Sanayi Bolgesi
Ihsan Dede Caddesi 900 Sokak
41400 Gebze, Kocaeli
Turkey

Pemegang Pendaftaran Produk

Sandoz Products Malaysia Sdn. Bhd.
Unit 1202, Level 12, Uptown 1,
No. 1, Jalan SS21/ 58, Damansara Uptown,
47400 Petaling Jaya Selangor, Malaysia.

TARIKH KEMASKINI RiMUP

Jul 2025

NOMBOR SIRI

NPRA(R2/1)200124/341